

թեանը. տանք այստեղ մի քանի նմուշներ.

1915—16 թւին Սալար-Մասուղ և Սալար-Ազամ խաները զինւած ձիաւորներով մտնում են գիւղ և առնում 600 թուման փող. նոյն 1915/16 թւին՝ զինւած ձիաւոր խմբով գալիս է Չարլանգ Մահմուդ խանը—Չէրաղ-Ալի խանի որդին և առնում է 100 թուման, այնուհետև նա կատարեալ մի պատուհաս է դառնում խեղճ գիւղացիութեան գլխին. անվերջ, սիստեմատիկ կերպով հարստահարելով նրանց, այսպէս՝

1917 թւին	առնում է	100	Թուման.
»	»	Մայիսին	» 150 »
»	»	Յունիսին	» 100 »

№	Կ Ա Ր Գ Ե Ր	Շունչ
1	Աղբատ	370
2	Չունևոր	65
3	Միջակ	620
4	Ունևոր	600
5	Հարուստ	160
Հնդամենը		1815

*

Վ Ե Ր Ի Ն Խ Օ Յ Գ Ա Ն

Սանգիբարանից գէպի հիւսիս, մօտ երեք քառորդ ֆարսախ հեռու, մի ընդարձակ դաշտի վրայ փռւած է հայաբնակ Վերին-Խօյգան գիւղը. սա հարաւ-արևմտեան կողմից մահմանակից է Դաջան հայաբնակ գիւղին, իսկ հիւսիս-արևմտեան և արևելեան կողմերից Տաշքիշան և Սամսուլու պարսկաբնակ գիւղերին:

Գիւղի գիրքն այստեղ խիստ գեղեցիկ է և բանաստեղծական. պճնազարդւած է բարդիների, ուռենիների և կա-

* Սանգիբարանն ունեցել է մի տաղանդաւոր ծերունի քահանայ՝ Տէր Գարպետ անունով. որ յայտնի է եղել ամբողջ գաւառում. սիրում է եղել յաճախ վիճաբանել Մահմետական մուլաների ու Բողոքական միսթիմարների հետ կրօնական բարդ խնդիրների վրայ. ունի բաւական ընդարձակ բանաստեղծական զրուածքներ—թէ հայերէն, թէ պարսկերէն և թէ տաճկերէն. բայց գծաբխաբար մենք հնարատրութիւն չունեցանք ձեռք բերել այդ հետաքրքրական բանաստեղծութիւնները, որոնք շահեկանութիւնից զուրկ չէին լինի ընթերցողները համար: